

~~20 94 44~~ 24

5676

7271.

35

Eigentliche Warhaffte

Zeitung aus Wien/ vom drey vnd zwan-
zigsten Martij dieses 1576. Jars/ welcher gestalt der
Röm. Kays. Maiest. unsers aller gnedigsten Herren/
die Polnische Königliche Waal überantwort / vnd
was sich darunder mit ihrer Kays. Maiest.
vnd hinwieder der Polnischen Herren
verpflichtung hat zugetragen / wie
auch alles auss stattlichst er-
gangen / etc.



Anno M. D. LXXVI.

35
39

Wetts Zeitung / von Röm. Reys. Maiest. vnd Königs in Polen.

Schonach nun ein gute zeit he-
ro mit den Polnischen alhic anwesen-
den Abgesandten / der Conditionen
vnd andern Puncten halben tractirt
wordē/haben jr Rey. Maiest. sic sich diese
tage gegen jhnenden Abgesandten des Königreichs
sich anzunemen eigentlich erklārt / vnd mit jhnem
verglichen/darauff ist folgends der tag/dass ire Maie.
das Iurament thun sollen den 23. Martij dieses 76.
jars angestellt / vnd folgender gestalt solenniter durch
Göttliche verleihung verrichtet worden/Vnd erstlich
ist zuvor den tag in der Kirchen bey den Augustinern
nicht weit vom hohen Altar in mitte des Ghors von
guldinen Stücken eingeschaffter Himmel aufgezogen/
vnd darunter ein Sessel/darfür ein nideres Bentlin
mit einer Lehne/darauff man zu knien pflegt/vnd zwei
Bencke alle mit ganzē guldinen Stücken / der Bode
vnden auch mit Dapezereyen bedeckt/die Wend gleich
sals vñ den hohen Altar mit gar schönen Dapezereyen
A ij gezu:t/

gezirt / vnd die Sessionen im Chor auff den seiten da
die Polacken gesessen mit ganzem rotem Sammet be-
hent gewesen / des folgenden Freytags fru vmb acht
Uhr seind die Herrn Polnischē Gesandten allesamt
statlich bekleidet / gen Hose zu ihrer Maiest. vber den
langen Gang gangen / vnd ihre Maiest. so nun in der
selben gemeinen Kleidūg damals angethan gewesen /
vnd in Sessel getragen worden / bisz zur Kirchen betei-
tet / Als nun ihre Maiest. nahend an die Kirchenthüre
kommen / haben die gesandten Polacken ein weile mit
ihrer Maiest. zu Lateinischer sprach geredt / vnd dan-
nach ist ihre Maiest. auffs Chor ins Oratorium ge-
tragen worden / derē dann die König Maiest. vnd alle
drey Erzherzogē vorgāgen / die Keyserin aber sampt
der Königin ausz Frankreich / vnd das ganze Frau-
wenzimmer nachgesolget / Als bald ihr Maiest. in die
Kirchen kommen / hat man gar ein herlichs Amt an-
gefangen zu singen / Welches denn der Bischoff von
Gran / so Statthalter zu Pressburg ist / celebriert hat /
Nach der Eleuation seind die Herrn Gesandten Po-
laiken samtlich ausz der Kirchē hinoss zu irer Maiest.
ins Oratorium gangen / vnd mit ihnen ihr Maiest.
fürneme Officirer / daselbst oben habe ir Rey. Maiest.
ihren Keyserlichen Habit angelegt / Wie nun das gan-
ze Amt der Mess aufgewesē / seind jre Maiest. mit
densel-

denselben fürnemen Officirern herab in die Kirchheit
gangen/ vnd mit außgesetzter Keiserlicher Kron im
Gessel/ doch vor ihrer Maiest. auch das Schwert/
Scepter vnd Apfel/ bis zu der Session getragen
worden.

Als nun ihre Maiest. ein wenig gesessen/seind die
Herrn Gesandten auch hernach kommen/ vnd haben
ihre drey vom Adel auf den Polackē/ ein schönes ge-
maltes Trüblin / darum das Decretum electionis
gelegen/ vnd mit einem silberin blauwen gewirckten
Stück/ welches zimlich lang / also das einer dē hindern
theil desselben nachtragen müssen/ bedeckt gewesē/ ent
vor voranher getragen/ darauf daß die Herrn Lega-
ten gangen/ Als nun jr Maiest. die Kron vom haupt
abgethan / vnd also stehend vor dem Altar fürwerts
ferend den Eydt/der jr Maiest. vom Herrn Referens-
dario in Latintischer sprache fürgelesen / geleistet / so
haldt solches beschehen / hat man das vorgemeldte
Trüblin eröffnet / daß Decretum electionis an wel-
chem aller derjenige fürnemen Senatorn Insigel/so
jhr Maiest. erweilt gehangen/ heraus genommen/ das-
selb jrer Maie mit sonderlicher Reuerenz Præsentirt,
welches dan folgends ad longum vom Herm Doctor
Bieheuser also laut vor meniglich verlesen worden/
Als nun solchs beschehen/ haben die Herrn Gesandten

A ij Ihrer

ſhrer Maieſt mit ſonderlicher Reuerēz glück gewünſchet. Und darauff die Trummeter ſamt der Heeretrümmen angefangen das Te Deum laudamus zu singē vnd geblasen/ Folgends die Orgel vñ Cantorey biß zum beſchluß dethſelben verweilte weile aller maſſen wie bey nechſter Prageriſcher Crönung beſchehē vollendet. Nach diuem iſt er nu wider aus der Kirche gangen/ vnd iſt vngesehen daß nach dem tag zuvor wenig/ auch fürneme Leut/ Officirer nichts daуon eigentlich gewiſt/ gar ein grosses gedräng von Volk da geweſen/ Wie nun jre Maieſt. in die groſſe Tafelstuben/ allda gemeiniglich weilād vorige Keifer/ König/ hochloblichter gedecktnis Molzeit gehalten/ kommen/ iſt ſchō allbercīt ein lange Tafel zugericht/ vñ die Speife darauff geſetzt worden/ vnd als jre Maieſt. das Wasser genommē vnd nider geſeffen/ haben die Kön. Maieſt. vnd Erzherzog/ vnd nach ihnen die Herrn Polniſche Geſandten ſich gleichfalls auch nider geſetzt/ vnd ſeind an folcher geſtalt wie der abriß aufweift geſeffen/ Mit weit ſein jhr Maieſt. Muſici vnd Cantorey geweſen/ habens gar kōſtlich vnd gut mit iſren Instrumenten gemacht/ der Gſtaldo/ ſo diſe tag wider an Hof komē/ hat ſein Mundſchenkenamt verrichtet. Jre Maieſt. haben auch fast einem jeden den beſitzenden Polniſchen geſandten eins zugetrunke/ vnd all mal ſich gar Ehr-

Ehrerbietig/mit abnemung des Huts/vnd auch sonst
freundlich gegen iuen erzeiget/Wan auch jre Maiest.
getruncken/ seind die Herrn Polacken alle an der
Tafel auff/ vnd so lange bis jr Maiest den trunk ge-
than gestanden/ gleichfals haben sich auch der König
vnd Erzherzog gar höflich zu accomodiren wissen/
Gege der Tafel vber ist gar ein schöner herlicher Gre-
denztisch gestanden/ Als nun die Malzeit für vber vñ
jr Maiest. auffgestanden vnd das Gratias gesprochen
worden/ haben die Polacken jr Maiest. biß hinauff in
die Camer beleitet/Vñ folgends seind sic hernach in je
Losament gange/vñ daselbst allerley Confect so schön
mit besonderm fleiß bestellt gewesen/gefunde/ vñ mit
desz neuverwehlten Königs Gesind stark getrunken/
vnder desz hat man auf dem Zeughaus das Geschütz
mit grosser eil bey 150. klein vnd groß/ stark auff die
Wäll vnd Pasteten/ vom roten Thurn an biß zum
Schotten Thor herumb geführet/ des Keyzers vnd
Keyserin Ros habent müssen ziehen helffen/ dañ man
so in eil nicht Fuhr genug haben vnd erlangen könne.
Solches geschütz ist folgendts geladen/ vnd zum ab-
schießen gerichtet worde vff den abendt zwischen siben
vnd acht Uhrn/ als es schon gar finster/hat man beim
roten Thurn zuschießen angfangen/ vnd ist immerzu
eins nach dem andern biß zum ende abgelassen/ vnd
also

also zum dritten mal wider geladen vnd abgeschossen
worden/ Desgleichen sol vnde zu Raab vnd Komorn
auch beschehe seyn. Also hat sich dieser Actus/ so vil ich
geschen vnd erfahren/ solenniter zugetragen. Dem
Allmechtigen Gott sey danck/ daß es so weit kom-
men ist/ der woll seine gnade verleihen/ da-
mit es vollendt zu gutem ende
gelangen möge.

